



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Quae sit Lutheri doctrina, quam ipse docet, & nullus catholicus. Cap.
XXXVIII.

urn:nbn:de:hbz:466:1-30114

nipareret, nec ac quiesceret cuiusquā precibus, ianua clausa.

*Que sit Lutheri doctrina, quam ipse docet, & nullus
catholicus.* Cap. XXXIII.

DIco autem Lutheri doctrinam, non sacram scriptu-
turam, quæ nunquam condignis laudibus efferi
potest, sed quicquid Lutherus scribit, docet & prædicat,
quod doctores sancti non dixerūt, sed damnat & proijcit
ecclesia Dei. Nā quicquid boni, veri, recti, iusti, ædificatio-
nis, sancti, & utilitatis est in libris Lutheri & suorum assen-
tatorum, hoc totum sanctis doctoribus & ecclesiæ Dei ac-
ceptum referimus, nō istis sycophantis: à doctoribus no-
stris & ecclesiæ cōcilijs cōmunicis hoc mutuarunt (ne di-
cā furati sunt) & suis libris inseruerūt: sicut Aesopica cor-
nicula, alienis ornata pennis: Quod si doctores & concilia
ecclesiæ, quæ sua sunt, ex Lutherianorum libris auferrent, nu-
di omni veritate vt cornicula Aesopica remanerent, & tur-
pitudine nuditatis eorum omnibus appareret. Igitur doctri-
nam, propriam lutherianorum voco hic nō immeritō sycophan-
tias, technas, sutelas, dolos, fermentū corrumpens, depra-
uationes, adulterationes, versiones, inuersiones scriptura-
rum & verbi Dei, nec non additamenta Leuiathan, quibus
hoc hominū genus ad nothum sensum renitentes scriptu-
ras trahit, & falsificat, vel quosdam sacros libros de canone
sacro eximit. Eadem quoque censura habenda sunt omnia
scommata, conuitia, diffamationes, detractiones, & id ge-
nus maledictionum omnium, quibus scripta eorum exu-
berant, scetent, & confarcinata sunt, & vt Hesiodi pandora
repleta. Et reuera, qualis est participatio iusticiæ cum
iniquitate, qualis societas lucis ad tenebras, & qualis con-
uentio Christi ad Belial, qualis pars est fidei cum infide-
li, aut qualis consensus templo Dei cum idolis, talis est
conuentio lutherianorum cum Christo & ecclesia sancto-
rum, & doctrinæ eorum cum Euangelio & verbo Dei.

Non.

2. Cor. 6.

Zach. 9.

Psal. 103.

1. Tim. 4.

Galat. 3.

Apoc. 2.

Non illustrant scripturam suis libris, sed obfuscant, & ut harpyiæ fœdissima proluvie sua contaminant, & fermento suo corrumpunt, & dum panem vitæ, & vinum verbi Dei (quod germinat virgines, confortat corda, & homines lætificat, purè sumptum) doctrinæ suæ veneno infamabili permiscunt, fit, ut oēs de eo gustantes, conuertantur in furiam, insaniant in superbia sua. Et dum lætantur insanientes, commiscunt omnia sacra videlicet profanis.

B

Iob 13.

Has, inquam, eorum insanias falsas, mendacia quæ fabricant, peruersa dogmata quæ colunt, doctrinas dæmoniorum quibus attendunt, fabulationes quas narrant, nihil sacri aut frugis habentes, sed veneni multum, fascinationes pessimas, quibus etiam bene currentibus viam mandatorum Dei, imponunt & illudunt: doctrinam Balaam quam tenent, docendo edere & fornicari & scandala mittere: hæc inquam dixerim doctrinam Lutheri. At hanc, euangelium Christi dicere, & sincerum verbum Dei, impudentissimum est mendacium diabolicum, & blasphemia execrabilis in spiritum sanctum.

C

Nec minoris impudentiæ est, quod viæ sectatores illius viri & mulieres se falsissimè & mendacissimè euangelicos vocant, quod ex calice bibunt. Idem fecit & Iudas proditor. Idem fecerunt scismatici Corinthij multi, de quibus infirmi multi erant, horrendis infirmitatibus puniti. Alij imbecilles ex longa valetudine aduersa. Multi verò dormierunt, morte corporali subitanea à deo interfecti. Potatio ergo ex calice, non facit eos magis euangelicos quàm Iudam & Corinthios. Vnde ergo dicuntur euangelici? Quia seruant euangelium? At hoc falsum est: cum ipsi in omni suo opere bono peccent peccatum mortale: & ut in ultimo versu decem præceptorum canunt: Actum est cum operibus nostris, perdita sunt opera nostra, nihil enim nisi iram Dei per bona opera meremur. Si semper in omnibus operibus suis

bona

bonis peccant, & iram dei merentur: quid restat nisi quod charitatis (quæ est plenitudo legis) sunt expertes, quæ non agit perperam, sed ab omni via mala prohibet pedes suos. Imò, charitas dei nihil aliud est quam observatio mandatorum dei: Illi verò deblaterant, madata dei impossibilia esse observatu. Ioannes verò dicit, quod grauius non sunt. Breuiter: Si semper peccant, & quidem in omni opere bono: multo magis peccant in operibus malis. Qui autem peccat, ex diabolo est, quoniam ab initio diabolus peccat. Filius autem dei apparuit, ut dissolueret opera diaboli. Et omnis qui ex deo natus est, peccatum non facit, quoniam semen ipsius in eo manet, & non potest peccare, quoniam ex deo natus est. In hoc ergo manifesti sunt filii diaboli, qui cum Luderanis semper peccant: & filii dei, qui faciunt iusticiam & bonitatem, & ambulant in dilectione.

Galat. 5.

1. Ioan. 5.

Ioan. 15.

1. Ioan. 5.

Quicquid adduxeris, falsò sibi inuenis eos titulum tam sanctum arrogare, sicut & ille de quo scriptum est: Nomen habes quod viuas, & mortuus es. Similes pròinde vel peiores sunt Sadducæis, qui cum omnium Iudæorū essent perditissimi, rudissimi & pessimi, optimū nihilominus sibi nomen vendicauerunt, vocando semetipsos Sadduceos, hoc est, iustos: cum essent iniustissimi: Et iustificatores, cum suorum complicum essent seductores. Eadem certè nostros euangelicos lance appendo. Vocant se euangelicos, & euangelij doctrinas digito suo ne minimo quidē non tangūt, neque opere & veritate adimplentes. Dicūt Christo: Domine, domine, & non faciunt quæ dicit, præcipit & consulit. Labijs suis eum honorant, cor autem eorum longè est ab eo. In euangelio gloriantur, sed per euangelij transgressionē, deum & Christum eius inhonorant. Confitentur se nosse deum, factis autem negant, cum sint abominabiles, sicut & ipsa quæ faciunt, dum semper peccant: & increduli, & ad omne opus bonum reprobī. O eygenuuillici, & nō euangelici,

Psal. 36.

Ephe. 5.

Apoc. 3.

Matt. 23.

Matt. 7.

Esaia 29.

Matt. 15.

Rom. 2.

Tit. 1.

I gelici,

Psal. 4. gelici: vsq; quo eritis graui corde: aut diligetis vanitates,
& quæretis mendacium, spreta omnia vincente veritate?
Hæc de falso eorum nomine & titulo dicta sufficiant in
præsentiarum.

*Vinum optimum doctrinæ sanæ Luderani miscent aqua er-
rorum, & confundunt turbantq; fecibus hæresum
suarum. Cap. XXXV.*

A **V** Ae vobis viris impijs: qui vinum optimū verbi dei,
Hest. 1. quod abundās, vt magnificentia regia dignum est,
Esa. 1. in mensa sacræ scripturæ electis proponitur, aqua misce-
tis falsitatis, & errorum fecibus, de quibus bibunt, omnes
Psal. 74. peccatores terræ. Sic vinum purum, optimum & precio-
sum, felle & aceto miscetis vestræ hæreticæ expositionis,
Hiere. 25. & bibendum illud porrigitis Christi membris, vt turben-
Matt. 25. tur & insaniant: sicut habes in Hieremia. Verum, Iesus
cum gustasset noluit illud bibere: erudiens nos, vt si quā-
Ioan. 19. do de vinea Sodomorum aut de suburbanis Gomorræ
Deut. 32. calix nobis porrigitur, felle draconum & veneno aspi-
dum insanabili hæreticæ doctrinæ mixtus, ne mortiferum
illud bibamus, si illud audimus vel legimus (quod nihilo-
minus periculi plenissimum est) nec illud intra viscera
cordis nostri glutiamus per consensum.

*Panem uerbi Dei, Luderani corrumpunt fermento suo
& per additionem ueneni suorum erro-
rum. Cap. XXXVI.*

A **V** Ae qui panem vitæ & intellectus, quo Deus fide-
1. Cor. 5. um suorum animas in hoc mundo pascit, corrup-
Matt. 16. punt fermento prauæ expositionis. De quo scriptum est:
Roma. 8. Cauete à fermento pharisæorum, Sadducæorum & Hero-
Luc. 12. dis: Quia modicum fermentum tale, totam massam, hoc
est,